

四庫全書

集部

欽定四庫全書

御製詩四集卷三十二

古今體一百首

乙未八

夏冠

夏冠取其輕紅緯冪黃葛行路及逢雨易藤朱麓掇團
體小於笠哆口大過鉢一朝各有制尋收豈相奪或遇

炎暑盛有時亦偶脫漢武弗冠事聞史詩曾抹

漢書載武帝踞

廁視侍中如淳注以廁為溷孟康以廁為床邊側孟說
較為近理否則常人登溷尚知避人豈有人主就溷聽

人入視之事曲解相沿然當宴處際從衆吾弗別恭惟
殊不足信曾有詩聞之

我

仁祖為度式禮括此處髻齡危日夕侍

筆札曾未見

弗冠撿身

聖超拔是誠關

大德詎惟謹小節五言識實錄景仰心如渴

題敬晴齋

快靄遊山至敞晴巖齋恰喜善循名到經廿日披幽徑
那見微雲點太清林下有風都送爽葉間無露不含晶
雨頻未致為霖幸即境拈吟略暢情

清綺書屋

曲廊宛轉通有屋更齋東壁是圖書府窓延松柏風綺
傷俗斯厭清積健為雄兩字味題額詩詮括箇中

繪韻樓

罨牖林巒霽景鮮濯青拖碧總天然寄言摹倣倪黃者

生動當知氣韻先

七月朔日作

不雨已數日掄秋為始朝塞天曉氣爽野水漲痕消策
騎行時令沿田觀稼苗由來念黎庶詎是恣逍遙

知京中晴雨應時詩以誌慰

近覺雨微勤京畿慮更廛置郵命傳問騰疏此遙聞

數日

前因山莊雨澤稍勤恐京師或因多雨致滂寄諭詢問
舒赫德及京兆等茲據覆奏京城六月廿六密雨竟夜
至廿七卯時方止勢甚悠揚不致停蓄復親至郊外察
看高地隨時宣洩低窪處間有滙水旋亦消涸農民僉

云與莊稼無礙連日晴
與於田禾更為有益

低潦消原涸高田潤可耘秋成

期尚遠惟懼以為欣

寫三友圖疊舊作韻題句

奚必庾嶺及淇岱松竹梅何處無有率筆竭然寫三益
試問與真同異否真真幻幻人謂之是異是同適當偶

直諒多聞我向評

向題三友軒以松喻直梅喻諒竹喻多聞並就其德性立論觸類引伸頗

為發前人所未發

詎不可為帝王友王順長息豈足云一再圖

之識以久

雨

七月初三日

弗雨已五日淫潦審不妨為聲問

去聲

疎密作勢極悠揚

地潤易存水雲開喜露陽撫時信時若額手慶農祥

登四面雲山亭子

塞天過雨碧於藍塞谷落風寒非冷因緣時節不可孤
便以筍輿尋勝境立秋雖未已秋月皞日金颺報秋景
數步一憩陟巉巖樹杪虛亭見崇嶺左右鹿隊何逍遙
高下蟬聲亦清警玉宇直欲換袷衣林海又疑泛野艇

我到山莊已逾月超凡妙趣今方領遐哉崆峒拜下風
小奚勾漏尋丹井

玉岑精舍

精舍山陰寂幽篁今年尚未來遊詠雲山四面登亭子
據高向下斯熟徑因而棧醵盤以降林色巒光率真淨
拂谷天風吹袂寒徂雲片片無些剩損令神心一灑然
風日恰合秋之孟坐久渾欲忘今昔澄慮於斯入無競

湧玉亭

虛亭架壑俯頗梨為聽為觀並入題湧玉今朝真湧玉
蓋緣宿雨落巖谿

貯雲簷

構屋深山裏額簷曰貯雲寫楹本無意歸岫亦堪欣據
席衣裳潤披箋翰墨芬山田膏雨足且止慢須勤

小滄浪室

崇巖跨飛閣下俯石峽陡嶺嵒固其常湫澱乃其偶今
朝來雨後乍見銀龍走小貯為滄浪清濁隨所受徘徊

一循名方覺未孤負

渡河詣普樂寺瞻禮

野約砌石架木為漲來易圯亦易就月前經雨茲重堵
便以渡河禮耆固彼岸平原多種田低禾高黍如錯繡
纔十餘日未曾觀則已吐穗碩且茂或垂禾穗或仰黍穗總
殊致凡綠釀黃各爭候西成可望為額慶時尚遙虞望
難副普樂之意原在斯六波羅蜜非所究

澄觀齋

目之官為觀心之官則思觀以外物引思因內幾馳外物靜可拒內幾動不時內實要於外曰澄乃無為其觀亦自息精一有訓辭

翠雲巖

黻黻菁蔥總不分是巖氣抑是雲霧嗣宗迷目艱青白
一翠連天迴莫羣

四大家難著筆成雲興無礙碧天晴全身裏許翠巖現
那更眉毛示永明

七夕漫題

相傳牛女節塞外豈殊諸橋倩鹿為鵲田欣雨洗車

是日

雨辨知杜詩正

杜甫詩牽牛出河西織女處其東萬古永相望七夕誰見同此語甚正

乞

笑柳文虛設以嶺南論斯猶近有餘

夜雨

七月初八日

夜雨侵晨卒未休膩雲纔白黑隨稠時行雖曰節猶夏

今歲閏在十月節遲是月十三日方立秋

霖威踊虞潦接秋稼穡可期畏孤

望淋漓不斷怒增愁遥遥更有牽懷者報捷恐遲速置

郵

喜晴

七月初十日

昨晚雨陣歇今晨日御鋪目同空宇廓愁與滯雲但知

可涸田潦問猶遲驛途

初九閣章應於初十午刻至山莊乃是日酉刻尚未遞到詢因

初七八等日陰雨連綿潮白等河暴漲遂致阻滯

所塵莫非事為慰那為愉

泛月

塞苑早晚涼秋湖率罷泛今歲恰通閏七月中伏占夕

陽熾炎熱波風披瀲灩上弦倏已過團輪祇微欠快霽

淨纖翳木蘭徐解纜乘流任去來弗棹亦弗帆四山暮
色侵一空澄景鑑始覺暑氣消漸喜寒光淦叶心與境
俱融神如水以淡岸蛩忽送聲原此金難驗

書扇賜將軍阿桂六韻

掌握師行掄俊豪事無巨細一心操功成九仞尤應慎
志洽諸軍實所褒探路欲因乘怠隙

阿桂奏督兵進勦
巴占賊人因係近

巢險隘志力抵拒官軍屢攻未下茲於舊則大海山梁
之西探有昆色爾喇嘛寺又西為章噶若由昆色爾將
章噶佔得則舊則大海拉枯喇嘛寺均已攔截其內賊
自不能踞守屆時或順山腿下至河邊或涉水而西皆

可繞出勒烏圍之南以斷其與噶喇依往來之路海蘭察親至其地審度情形統兵往勒約於初三四間即可奮力前進以我精銳擣彼空虛諒無不克云云所籌甚合機宜亟盼捷音速至攻碉直可壓危

撓我居避暑原無暑卿效賢勞真是勞嘉子七言錫書扇凱歌三捷換征袍勉之指日親郊勞紫閣銘勲崇爵叨

立秋

七月十三日

金律今朝入所欣連日晴草頭凝露重林表晃曦晶披
廬風含爽看來暑欲征三農心略慰庶可卜西成

副將軍明亮奏報攻克石真噶賊碉詩以誌事

宜喜雖經下壓攻

明亮等自得宜喜山梁後復得其如寨一帶平坡賊碉遂駐兵基木斯丹

當噶以期下壓

近巢力守聚羣戎因教逾月阻多若忽報雙碉

剋衆雄

明亮先因額爾替山梁為勒烏圍門戶銳意進攻而賊衆亦因其地逼近巢穴捨死堅拒月餘

以來屢攻未下察其旁有石真噶山梁亦為要隘設法進剿亦兩次未得今奏至官軍奮勇剋其大碉兩座已據石色從此至沙爾尼賊已無險可恃即可剋日進抵勒烏圍為之欣慰軍雜役喧進猶巧

石真噶一路賊番守禦甚堅然舍此別無可進之路而官軍每當進步賊畧間聲息即鎗石如雨抵禦屢為所阻明亮以向來挽運礮位多有邪許之聲賊衆習以為常不為防備因於六月廿八日晚派奎林和隆武等為

一隊攻迎面大礮德赫布等為一隊攻左手石卡阿爾薩朗等為一隊攻右手石卡舒景安在後策應值新鑄大礮成連夜挽運乘衆聲喧雜之時我兵分隊潛進已通礮根賊尚未覺雖溝深濠濶密布松檠官軍無不一躍而過過斫門拔柵鼓勇直前廿九日黎明將迎面大礮全行佔據復合力更進又得其正中大礮並得其旁平房二十餘間追殲賊番二十餘其中鎗著箭跌墜產礮者無算即將所得賊人礮卡拆毀趕立木柵三座派兵守將先兵奮效惟忠此大進勦將士等均各奮勇而奎林和隆武首先攻得大礮尤為起衆因勅部同在事出力之將領弁兵查明等第分別議叙

石包已俯勒圍背捷盼紅

旗指日中

題文徵明書前赤壁賦文從簡補圖卷

賦錄停雲壬戌秋圖成伯虎兩風流早遺唐蹟曾孫補
仍是宋年學士遊明月長江終不改筆花墨雨此恒留

何須自遜邯鄲步

見從簡
自識語

佳話一家更孰儔

將軍阿桂奏報攻克舊則大海昆色爾山梁並拉

枯喇嘛寺等處詩以誌事

勒圖望見阻巴占繞路進攻兵出潛

十七日阿桂奏至
云巴占為賊人窺

要門戶距勒烏圍不過數里故賊番悉眾守拒不遺餘力
阿桂屢次統兵往攻均未得手因擬從舍圍枉卡分路
進攻仍派福康安特成額烏什哈達等分兵三路攻打
巴占以掣其力遂派普爾普泰斐英阿等攻取章噶山

峯海蘭察等隨後策應並攻章噶相近之果克多山峯其昆色爾喇嘛寺在拉枯喇嘛寺之上於此一路尤為扼要因派額爾特等帶兵進攻其蓄則大海各碉令常祿保等統師攻勦又溝內巖洞衆賊藏匿派巴彥泰等往彼截殺不使賊衆來援而巖洞以下溝內尚有寨落五處則派富興成德等分頭攻擄並預為埋伏

騰

石攀林越溝底屯蜂附蟻上碉尖百餘處剋窮巢近三

日力殲羣賊殲

初二日黃昏官兵攀林扶石潛密前行正由巖洞經過賊人即來衝援成德等

遂圍其溝內寨落巴彥泰等亦敵住巖洞之賊泰斐英阿等即帶兵直進比至拉枯寺之上各處賊人俱來迎拒額爾特一面酌留官兵衝壓一面直上昆色爾山梁進攻賊人鎗石齊下官兵即蟻附登碉勦殺並殲其逸賊遂奪據昆色爾寺惟時官遠色等循梁東上佔至雅木則碉對面其餘官兵蜂擁而西海蘭察即將果克多

山峯攻克瑚尼爾圖亦克獲所攻之碉富興成德海祿
巴彥泰等亦將各寨落巖洞全行攻克惟拉枯喇嘛寺
賊尚死拒初四寅時官達色泰斐英阿額爾特等合兵
從上壓下成德等從下上攻先將附近各寨克獲縱火
焚燒烟熾蔽空遂進圍拉枯寺至亥刻官兵飛騰而入
賊人逃遁無門亦均誅斃其喇嘛科爾三寨所屬之瓜
爾沙巴等寨悉行掃蕩昆色爾寺山陽日爾底擦烏曲
所屬之格思茹等寨焚燒過半常祿保等所攻之舊則
大海亦於初四日寅時官兵繞出其後將大戰碉圍住
伺賊鎗石稍稀官兵四面攀越賊人措手不及當將大
碉攻克其餘各碉卡亦逐一掃除計官兵竭三日三夜
之力佔地縱橫三四十里攻燒碉寨一百三十餘處殺
賊二百餘人搶獲銅礮手砲烏鎗刀矛糧毯等物無將
算因降旨將在事出力之將領升兵交部分別議叙

率一心同効蓋可嘉并與可憐兼

雨

七月十七日

弗雨快晴將及旬朝來密霽落檐巡固知田際無潦致
未免秋中望霽頻却看霞雲停過午遂教顰蹙散臨申
夕陽朗照巖風爽慶慰依然倍敬寅

題刻玉赤壁圖

磨彰白質絳華留設色居然赤壁遊水裏月原天上月
刻成舟勝畫為舟烹茶那慮避烟鶴鼓柁不驚眠渚鷗
屢舉黃州休致誚箇中人物足千秋

題秋澂齋

晴佳又值好秋閒
小憩蘿齋闢岫關
天散淡雲淨靚縷
澗收潦水息潺湲
景如初得欣蕭颯
詩以促成弗點刪
昨日思量對雨際
澄哉煩緒共斯閒

有真意軒

多時西峪弗經遊
山徑行輿路不脩
喜是林間恒見鹿
幸遊松下未鳴騶
巖軒簾軸堪延望
繩榻書翻輒小留
默會云何真意在
一天風物總殷秋

靜含太古山房

山房窈窕間尋常弗輕至
蚤緣茲偶遊喜值秋風霽氣
澄一天涼林翻四鄰翠以幽
轉致曠放彌出卷密叶堪
注子輿書萬物於我備

食蔗居

言自西峪旋緣嶺可降諸山
房棲翠微精小別一區憶
從初得時顏曰食蔗居寓意
取虎頭漸入佳境夫山莊
駐逾月今朝遊以初撫座試
思義顧名了未殊

小許菴口號

小許寧云玩景徒瞿然別有會心殊試思萬事善與惡
孰弗因其小始乎

題姚公綬秋英馴貓圖

秋卉秋花灑露滋一峯文石卧馴狸不因無鼠養不捕
玉局深言致可思

題清舒山館

雲消不著片絲留氣爽天高可事遊山館由來是初至

閒情何必異前秋

向年啓駕每於秋月即近歲於夏月至山莊而臨此山館仍率逢秋月也

清眸舒志故如此厭故喜新得免不

駐此適月而初至者雖因少暇亦因

新構處率先往故自嘲云

題壁年年原弗闕笑無佳句勝殊酬

處暑

七月廿八日

閨置孟冬杪致因處暑遽然流陰迅矣豈夏氣恒之月

盡方中節

處暑為七月中

燕來覺後期午炎猶特劇孤注有如

斯

雨

七月廿九日

炎蒸易為雨秋霽四山并彌宇渺無際落簷時有聲情

知未致潦眼望總期晴雲率西南起因之繾近京

廿五日此

間微雨歷辰至未傍晚即晴然雲氣自西南來恐近京之雨較大馳諭詢之留京辦事王大臣等覆奏廿五雨甚稠密至廿七尚未開晴今日雨勢復自西南而來恐京城或致於霖潦不能再咨詢耳

留京王大臣等奏報晴定情形詩以誌慰

再三曾往問詳恙此來陳

前此因聞京城雨較此間稍密放晴稍遲曾屢諭留京王

大臣詢問茲覆奏京城七月廿九夜時雨時止三十日晡後細雨旋停八月初一早尚微陰過午開霽初二早西北風起天氣涼
晴定風澄
爽
秋中氣霽
新低區惜成

潦平壤望登困撫恤綢繆要早咨方伯臣

今歲口內之雨較口外為

大永定河岸亦有漫工恐瀕水及雨多之虞未免致潦屢經諭詢周元理昨據奏瀕河被水州縣約計三十餘均係一隅偏災現在查勘實為虔念復詢周元理成灾分數若何較上年輕重奚似尚未奏覆今王大臣等奏近京莊稼低窪不免稍損高處仍可望有收想畿輔大略相同耳

題宋人三秋喜報圖

三喜鵲依三色菊三秋喜報此因名正予渴盼紅旗候
吉語徵來有共情

恭奉

皇太后遊獅子園因成長句

歷歲承

歡秋仲天

每歲以八月初十日恭奉聖母侍膳於此

邸園賜食

懿恩宣金風玉露景逾美山峙川流

算益綿古柏不期覆簷茂塞花恒是繞階妍六齡始此

學佔畢

予六歲時即隨皇考居此

瞥眼光陰六十年

再題含青齋

跋馬山城入睥睨循谷遂以山齋至山齋本是額含青
騁望紅葉三五綴仲秋風物故如斯綠邇翠縈艱久勢
色空空處有何青曰含含乃無盡意

題碧靜堂

山堂棲翠峻雲棧絕盤登到似披圖入坐惟摘句應靜
觀今日愜碧宇好秋澄亦欲無言去其如興每增

淨練溪樓

夏末秋初雨稍勤山谿處處掛泉分小樓今日名循實

滌目澄懷迥不羣

題唐人秋山紅樹卷

無名較比有名過唐畫寧教宋畫訛溪石橋頭遊騎路
秋楓林下碩人邁琳琅坡面郁朱草青綠山容煥寶陀
元四大家誇氣韻真形津逮可能廢

題白玉雲龍如意

九家荀傳說卦為玉復為龍合德於斯見成形宛相入

從健行玩不息敷澤體無封如意珠常守如意珠
出梵典緯蕭

煨豈容

詠漢澄泥硯

寶藏漢時墨

背篆漢墨
寶藏四字

器類楚王甄質異洪家譜

洪景伯有

歛硯
譜

珍傳朱氏編

朱長文墨池編誌
澄泥硯所自始

陶泓信此耳居默

彼誰焉設寄鳳池客寧知八影遷

中秋日即事

夜雨悠揚晝快晴
潤暄真是協西成
秋中雅合浴金魄
地迴應知近玉京

祖德鴻猷仰巍蕩

慈齡燕喜祝虔誠更欣灑道非增潦例以明朝發獵旌

近歲每以八月十六
日啓程往木蘭行圍

熱河啓蹕木蘭行圍之作

武功文德並宜昭

謨烈欽承自

聖堯撰吉行旌指北塞詢

安寢閣謁

東朝獮蒐節合仲秋月往返期惟廿二朝丙夜紅旗仍
問捷幾曾行帳得逍遙

入崖口

源溯伊遜

平聲

那藉航野橋渡騎安而康雙峯畫意興詩

思八月今時即昔光例試小園平甸合

用三四百人於平甸列小園國

語謂之阿達密每入崖口即行之

仍驅吉駿六鈞良一麾一箭無多獲

近崖口獸尚少是日祇射一箭即中一麾

適接軍書便賜將

駐行營後適阿桂等奏至現已

合國勒烏圖指日可克既批答諭示即以所射之麾今賜阿桂豐昇額明亮俾均懷惠且因初圍獲雉為成功

獲醜
之兆

於永安莽喀作

八崖口第一圍場名
譯語見昨歲詩題

沙岡初獵衆軍屯詎是永安徵吉言千二百人仍舊旅

列圍者一千二百人

別三四隊乃新藩

土爾扈特都爾伯特青海烏梁

皆舊四十八旗蒙古

海別爲四隊令乾清門

孫曾示度期無射

朕曾豫奕純今九歲始隨

侍衛領之隨圍學習

圖

家國詰戎矢弗謬五十二年事重憶射熊於此始承

恩

壬寅秋予隨一熊

皇祖御火鎗中之熊伏不動久之

皇

欽定四庫全書

卷三十二

祖謂其已斃命御前侍衛引予去射之予甫欲上馬而熊突起奔前皇祖御虎鎗殪之事畢入武帳

皇祖指予顧溫惠皇貴太妃曰伊命貴重乃以射熊事告之語詳避暑山莊紀恩堂記

雨八月廿二日

昨近特炎熱木蘭經曾未知將蒸作雲四山倏陰翳圍畢憩武帳傾盆即飛至豎灑復橫排曲盡磅礴勢聲如八音會色是三峡出須臾土階前白水二寸積鋏劇之字溝釀流露乾地僕人忙劬効勤各思試是緣親坐觀孰弗宣其力叶雨過碧宇霽寂然都無事可以悟萬

理因之成五字

將軍阿桂奏攻克勒烏圍賊巢紅旗報捷喜成七

言十首以當凱歌

廿四中秋夜丑時木蘭營裏遍紅旗本來不寐問軍報
孰謂今宵宛見之

七千里外路迢遙向十餘朝茲八朝

向來六百里加緊軍報俱以十一二

日遞到茲軍營八月十六日所獲紅旗於廿四日丑時已達木蘭行在途中僅行八日

可識衆心

同一志嘉哉行賞自宜昭

以馳遞紅旗迅捷諭將賁旗員弁查明行賞其沿途驛站

欽定四庫全書

卷三十二

官員兵役交部
分別議賞議叙

賊巢窠是勒烏圍甲雜小連噶喇依

勒烏圍為從沒窠要賊巢今已攻克

則索諾木現居之甲雜小寨及其噶喇依狡窠官軍自可乘勝席卷掃穴擒渠佇見紅旗疊至破竹勢

成應不日速傳捷信願無違

行營半夜那來喧却是紅旗到叙門

叙門即和門周禮夏官大司馬注軍

門曰和立兩旌以為之叙和出用次第出和門云云今行營旌門之制約略相合

五載勤勞同

上下鴻勲集總沐

天恩

紅燈一點引紅旗
頃刻行營人盡知
舊部新藩同賀喜
古來報捷可如斯

成言原有付兒行
一見紅旗即

奏將

啓譯韋木蘭時命皇六子奉諭以紅旗必由山莊經過俟一至即奏聞

皇太后駐山莊

聖

母雖是

慈心早知喜
更馳侍衛報山莊

音仍遣御前侍衛春寧

賚奏書馳詣

山莊賀喜

一破賊巢飛騎馳
未遑詳悉盡陳之

阿桂等一得勒烏圖即獲紅旗未能

具摺同奏故尚將軍宣力應優賜先示端倪加勉宜

紅旗

未知其詳晰也
至降旨將將軍叅贊及將領等交部優叙兵丁各賞月銀而將軍阿桂宣力獨至奏績酬庸必當予以公爵優其章服因先賜以紅寶石帽頂命其子侍衛阿彌達馳賁以往俾益迅速集勲

前次受降惟戢谷今番報捷乃犁庭

前次征勦金川薜羅奔郎卡窘迫乞

命遂允所請受降藏事未十年郎卡已侵擾鄰境土司郎卡既死其子索諾木等與小金川僧格桑狼狽為奸意欲蠶食各土司甚至黨惡負恩抗干天討因深悔前此之姑息養奸此次厚集兵力擒穴擒渠掃平賊境庶可永除後患

自為正辦

敬承

天眷能無慰未至武成心未寧

宵衣

去聲

惟吾理合然喜而不寐那能眠乃知展齒事誠

有較彼殊猶高下懸

三捷盼來一月間此時軍務正相關執渠掃穴歌者定

佇待郊臺奏凱還

將軍等凱旋時擬至良鄉行郊勞禮已預葺郊臺以待矣

是日晚阿桂奏摺至知攻克勒烏圍詳悉詩以誌

事

勒烏圍賊舊官寨

凡土司所居者番人謂之官寨

垣固碣高不易攻石

卡木城接鱗次水臨山背據蠶叢

阿桂奏勒烏圍碣高牆固其南為轉經樓

又過甲爾日礮橋而南為科布曲山腿與勒烏圍官寨互為犄角礮礮俱可相及其間寨落木城石卡又皆鱗次柳比聯落接應前阻大河後負高塢對河札烏古阿爾古一帶礮礮既能隔水救援而其後高塢層層每層丈餘至數丈不等塢上均有卡礮礮座備禦甚嚴且自轉經樓至科布曲陸路既可通行而皮船過渡往來亦甚便易是以各處敗回賊人及噶喇計窮百變同攄蓋依一帶番眾全聚於此合力抗拒

志合三軍共建功

官兵壓至勒烏圍之上今兵攻繞既用大礮轟摧復用銜天礮擊打又從

勒烏圍轉經樓礮卡密排之中一面攻搶佔據一面擊礮橫截以斷其後路並令冷角寺一帶官兵由西北合轟沿河而南擊礮以斷賊人下水之路又以高塢陡削兵力難施令官兵頭戴柴捆攔牌手推沙囊匍匐而行至塢沿層層堆起趕立三層高礮以擊塢下之賊並於所挖地道中用礮轟擊塢下掘溝抗拒之賊計高塢八

層均經官兵逐步搶佔僅餘一層而甲爾日礮橋更為賊人要路因排大礮轟推漸塌復於楚兵內募善泅水者潛於水底縛巨索於橋柱之上合力扯拽坍塌損因於八月十五日申刻分派官兵先為埋伏以備攻搶勒烏圍令海蘭察額爾特等攻其近南木城賊人鎬石抵拒甚緊轉經樓等處之賊復來救援官兵迎擊殲戮過半而為滿洲索倫兵弓箭所斃者尤多復於亥刻令額爾特烏什哈達等攻近北木城官兵拔柵踴進出其不意即時攻克海蘭察率同納木扎格勒爾德自官寨東南進攻普爾普泰斐英阿自南進攻福康安特成額明仁從西北進攻而五岱攻其東北豐昇額帶兵為各處策應維時四面合攻呼聲動地拋擲火彈如流星閃電官兵各攀援上登賊人始猶支拒及見我兵蜂擁齊入膽落欲逃被我兵殲戮更復不少遂於十六日子刻將勒烏圍官寨攻克瑚尼爾圖亦將末層砌上石礮攻獲並同烏什哈達將竄回之賊邀擊殲斃而轉經樓亦經保

寧官達色彰雷帶兵攻打四面飛騰而上至丑刻一併克獲官兵追擊逸賊至甲爾日礮橋賊因橋斷赴水竄逸直雨後水漲賊衆淹斃甚多復爲官兵鎗箭擊射得脫者無幾此次計攻克勒烏圍官寨及轉經樓喇嘛寺並攻得其旁碉房寨落木城石卡六十餘座凡賊所恃以抗拒之處一夕無不摧破殺賊數百人奪獲鎗礮刀矛等物無算遂掃其舊巢撤乘賊人上下心膽俱寒捉兵直擣噶喇依爲迂速藏功之局此皆阿桂露布馳奏也

優叙先行循令典藏庸封爵待恩崇

興安雜詠

一嶺暄寒頓爾分
鴻鈞那復費功勤
今年秋令長往歲
依舊高峯簇綠雲

千二百人善魚貫合圍致遠復鉤深學如明道稱純粹
見獵依然有喜心

崇古山川大塊文寧須點筆更云云忽聞仙籟雲端發
却是林間過鹿羣

吉驄擇地小驅諸筋力自知不似初峻坂下馳已弗作
底須諫獵馬相如

舊部新藩前後隨便教有喜衆同知曾孫九歲學圍出
我更何須鑷白為

等城

尖營亦謂之等城指侯國也

清曉視調羹賜食聊因比大烹

等城

傳膳賜蒙古王公及隨從大臣等朝餐其飯則親視和羹也

飽暖饑寒寓忠恕詎惟

宰肉擬陳平

曉寒午暖自其常馳射仍須換薄裳明識秋陽當景暴

氊廬晨起見輕霜

俗云嚴霜出毒日

誰能到此默無情地迴山高水復清武帳待圍還有暇

促教短句八章成

出哨

此進還此出人情率習常

伊瑪圖卜克崩皆可出哨但由彼二處行則多一兩程故

人皆願仍由伊遜之路而出遂亦從之

向南因漸暖白露未為霜九月尚

遲獲

往歲出哨則收穫已畢今年節遲故尚有未獲完者

千村始築場雨滋弗種

麥

昨露雨而北地候寒不可種秋麥農家但翻犁為來歲之計耳

翻垡總農忙

木蘭迴蹕恭問

皇太后安喜而成什

惠遐詰武要惟均歲事山莊返蹕巡四海臣民咸共仰

高年福祉慶恒申捷旗到早

知而喜

徽閣瞻

增精與神將奉

安輿入京國弗寒猶先

去聲

小陽春

季秋山莊即事

鳳臺恭送向都還後叢徘徊五日間夏月無何逮秋月
青山即漸作蒼山遊因遣興聊乘暖意戒耽盤敢愛閒
雖是紅旗已初報繼茲其至盼猶艱

恭奉

皇太后迴蹕至御園作

巡歸此日稅輪蹄

聖母康強萬壽祺駐以徐因發以豫行斯後亦到斯齊

日 皇太后於十二日自熱河啓鑾緩程安行於廿一
駐石槽行宮朕於十六日啓蹕按程而行亦於

廿一日駐石槽廿二日恭奉 聖母迴駐暢春園 一心祝願惟悠矣四月光陰

宣迅兮幸得紅旗初報

喜再三其至更殷猷

阿桂攻克勒烏圖初次紅旗報捷
於八月廿四日至木蘭行在即達

侍衛馳赴山莊為聖母賀喜今阿桂統兵覓間進
勦噶喇依為掃穴擒渠之計指日可望歲功二次三次
紅旗自當接踵而至耳

靜坐

靜坐那能靜一心周萬方運叅否與泰歲叶雨和暘公
旦陳無逸臯陶彰有常平生鮮長處但善用人長

微雨

十月初
八日

宮禁園庭來往居間

安喜見

體康舒

因孟冬進宮齋戒旬餘一至問

聖母喜園居安通年率以為例小春林際

丹青若微雨齋前霖霖如研獲澄泥愛臨帖窓明牡蠣
稱觀書紅旗捷至已踰月亟盼佳音益縉子

微雪

十月廿七日

雲佈已通宵綏綏雪遂飄融膏將一寸

順天府尹奏廿七日之雪自辰

至未隨落隨化約可一寸

應節先去三朝

是月三十日小雪節

弗望遇雖喜未

雪惜復饒瓦陰略皴玉吟眺倚宮寮

張璞層巒初雪

天公試雪纔冬稚紅葉猶殷綠葉踈鋪地漸存入水化
論形得實契神虛施朱著粉傳唐法格古氣渾述宋初
不出戶庭堪靜坐高人相對樂三餘

題成窰饗餐溫壺

尊彝夏商制姬室或稱壺形有方圓別意標義順殊精
陶見成化大輅始昆吾文古蔚饗餐戒存惡旨夫

雪

閏十月
初九日

侵曉同雲一色屯六花飄颻遂紛繁欣於應節先大雪

是月望日適此問大雪節

安來御園鏤玉條柯松菴牖渥膏芳柢麥培原六千里

外心遙縫霽以為佳望捷煩

將軍阿桂等前日奏至現攻賊人斜布曲西里兩處

要隘一經攻克便可乘勝席卷時軍營連雪至廿四日始放晴擬即進兵是以適日盼捷尤切

詠素堂

步屨偶閒行山堂滿志清恰看霏雪密且喜靜風輕林玉攢含潤簷冰墮有聲額題曰詠素今迺未孤名

冬至

南郊禮成述事

欣逢月朔復初陽恰值

天開甲運昌

是日甲戌

卅載承

裡幸躬競

自乾隆元年冬至躬詣行禮始迄今四十年

南郊大祀歲必親行從未遣官恭代

三成學禮挈兒行

命諸皇子侍承祭時拜立進獻

壇上瞻禮俾知余恪

奉裡者如此

明於昭侑座配

列祖默啓綿基籲

上蒼鴻捷更希報早晚

阿桂等奏攻克西里要隘明亮等奏攻得札烏古山梁兩路連

次奏捷官軍乘勝深入應剋
期馳報紅旗蔽祈
洪佑
速聞者定武維揚

雪

十一月
初三日

履長

賀節御園來翼日欣逢嘉雪裁
寧幌無邊迎目潤拈毫
有興沃心開空霏麥粒宜隴
麥林染梅英映殿梅掃却
旋看又紛積苑丞循例樹根培

復雪

十一月
初五日

南郊逢澤未三朝

初一日冬至
初三日即雪

恰值園居景物招徹夜

同雲濃翼旦撰辰啓蹕返

東朝

初四日奉
宮是日時陰時晴而未雪

皇太后駕還

宜晴宜雪

恩誠厚益惕益欽志敢驕祇有殷勤望鴻捷六千里外繾心遙

將軍阿桂奏報攻克西里第二峯期相機進勦情

形詩以誌事

勒圍

即勒烏圍急呼之則為勒
圍故向亦有勒至之稱

克後逾三月西里當前

限幾峯近穴咽喉賊固守截碉寨柵我橫衝

阿桂自八
月望攻克

勒烏圍以後統兵乘勝深入進抵西里其地為促浸要
隘賊衆患力守禦攻之頗不易近已克其阿穰曲腔達

坂等處而西里正碕尚未能得因於其下接拏木柵十
七座繞出西里第二峯之右用礮旁轟賊寨亦未攻破
復籌於現拏木柵之下再接數柵橫截賊後使其不能
相顧茲據阿桂奏西里第二山峯名奔布魯木新拏木
柵即在山峯木城兩碕之下西里正寨之上其地為賊
人錫礮所易及必須分賊之勢始可拏柵逼進隨派福
康安等前行防衛拏柵官兵而令額爾特等隨進拏柵
又派普爾普等為第二隊續行而第三隊之烏什哈達
等即令緊隨拏柵以進海蘭察等為各路策應並行而前

分兵合隊皆中

去聲

要下壓

上批都礮鋒

閏月廿九十一月初一我兵兩次乘夜迂
往從賊人錫礮如雨之中步步拏柵而進

接拏十餘柵環繞山峯兩碕寨之後越過山脊而東圍
其三面惟向東一面陡險尚有微徑賊仍負隅不動因
於初三日晚令額森特帶兵千餘赴西里山腿盡處合
攻而令海蘭察督兵赴拏木柵復派福康安等從左進

攻普爾普等向上攻打海蘭察率官達色等直取
奔布魯木山峯木城部署既定三隊分頭搶撲

縱火

因風

天助順登巖乘夜衆推克

海蘭察督兵直抵山峯木城之下奮力亟攻賊人抵拒鎗

石交下攻至二更拋擲火彈百餘燃及賊人木城外所
積枯枝橫木值大風忽作火勢蔓延燒至木城官兵乘
勢騰涌而上羣賊踉蹌竄出官兵尾追殲殪及追急墜
崖死者甚多其不敢出城者均成灰燼時福康安帶兵
攻入各碉並穿碉牆縱火焚燒官兵四面合圍賊不能
逸亦均斃於火普爾普等仰攻碉座賊見官兵勢猛且
各處烟焰蔽天力不能支跳碉而遁官兵鎗箭追擊復
多殲戮時已三更官兵三隊合并自上壓下至西里正
寨賊人一面抵禦一面奔逃遂將寨落克取復分兩翼
抄出克其寨後山包及迤下山腿碉卡將及四更已壓

至溝遶額森特等復攻克西里山腿盡廢木城並克雅
瑪朋前兩礮此次通計得木城九大寨四石礮七石卡
數十殺賊百餘所獲鎗矛等物無算現擬攻勦雅瑪朋
東之舍勒固祖魯及阿讓曲左山腿下之瓦喇占奏至
為之欣慰即勅部議叙海蘭察及領隊大臣等其隨隊
奮勇兵丁各賞一月錢糧以示獎勵官兵屢勝勇氣倍
增賊勢日就窮蹙自可席卷而入遂能據險成殊績將
掃穴擒渠指日惟盼紅旗之至

更相機藏偉庸佇俟紅旗朝夕至永消蠻觸靖巴賁

雪

十一月
十七日

十雨宛看十雪呈

初五雪後初
七復微雪

漫空積地總充盈懷

惟覺脩何遇受寵由來勵若驚樂與民同潤藪麥知無

物比獲瑤瓊設論夜半平淮蔡祇願明朝達捷旌

昨阿桂奏

至官兵於初三日夜攻克奔布魯木賊碉及西里正寨即擬乘勝進攻迂擒巢穴佇盼紅旗速遞

題平定合符

有序

李侍堯奏粵民李阿集私越邊界至安南國之順
化娶番婦居焉其地在安南王城西南遠隔重洋
昔為阮姓竊據歷今九世番人稱為順化阮王與
奉朔受封之黎姓國王為世仇會順化王死有子
二嫡次而幼庶長而愚長子繼立其舅擅威福土

人患之有阮翁衮者順化王之同姓以除奸立嫡
為名自稱西山王募兵構怨客民多從之李阿集
因受偽封開國公西山兵逼近順化王所居二子
皆出走阮翁衮思自取之土人不從兵衆解散李
阿集遊奕洋面遇順化二子舟刼奪其財貨攜家
竄回內地為有司所執將按以法籍其家得玉平
定合符一隨牘奏進發緘視之長二寸又十分寸
之五闊一寸又十分寸之八厚三分有奇符上下

各一外面為龍鳳形玲瓏通裏內面中為雞心玦
式左右鑿柄相應形圓而橢鐫小篆文各一上曰
平定下曰合符中心及四角皆有穿蓋繫組以佩
也玉質瑩潔潤澤知為舊物而安南不聞產玉以
大小計之疑是玉帶版改為第不解彼地玉工乃
能精巧若是耳夫奸民之當治安南之內訌皆不
具論惟是王師征勦金川正掃穴擒渠刻日奏凱
之時而玉平定合符適得先事之徵若有默司其

契者敬惟

昊蒼鴻佑宵旰繫懷因以斯符示兆如詩所云天作之
合或可取以為賦詩斷章之喻乎因序其事題什
識之

海舶蠻邦恣橫

去聲

行賊擒因致玉符呈龍蟠鳳舞外磨

緄陽定陰平內琢精姬室雅章詠天合金川嘉兆卜師
貞把吟詎為珍希見吉語佇看報捷旌

微雪

臘月朔日

適值辰弗集幸逢雪細霏靈臺罷占驗

是日應日食一
今四十七秒乃

是夜濃陰密霧縈以細雪霏霏欽
天監奏例以陰雲弗見不入占驗 汜勝利郊圻賀則誠

非禮

恩惟益慎幾五言出一悃言行敢相違

題方琮雪景

六花萬嶂共雲同歲暮村村喜卜豐暖閣圍鑪賦謝雪

高堂稱酒詠唐風驢寒旅趁店橋白僧晚歸翹寺院紅

灑粉原因做小幘

畫家作雪景多積墨烘染留白地為
雪昨冬畫山水小幘偶出新意瓶為

灑粉法既成疎密飛舞頗具
生動之致因命方琮做為之
絮塵率作慎吾躬

詠和闐玉四皓圖

四皓避世塵自是人如玉幸哉和闐河却作商顏麓

雪

十二月
初九日

過午凍雲黯逮申臘雪霏漫空方漠漠作勢更飛飛於
澤寧辭屢逢麻益慎幾惟殷盼捷報速至願無違

丙申春帖子

月值方中臘

天迴寂早春農人都額慶卜歲又逢申

吉旦干輪土嘉平支在牛瑞徵京兆尹敬事例應脩

春盤春帖獻

慈寧與物皆春迓始青七字抒誠詠

新社

萬年增算祝遐齡

將軍阿桂奏報攻克科布曲索隆古山梁等處碉

寨即期迅擣賊巢詩以誌事

西里剋來逮一月

阿桂自中秋夜攻克勒烏圖即統兵進勦而賊衆拒守西里攻之三月餘

未克直至十一月初三夜官兵分路襲擊奮勇摧堅將西里一帶賊寨悉行攻克計其奏至之期距今又月餘

矣賊巢近復阻山梁索隆古據建瓴勢

阿桂自攻得西里後乘勝直入

雖連克其舍勒固租魯瓦喇占雅瑪朋及薩爾奎勒隈勒木通等處礮卡並掃蕩卡布角沿河一帶寨落而科布曲及索隆古山梁為賊人近巢要害抵拒益力屢次攻之未下茲阿桂等奏至科布曲正梁賊人挖壕固守鎗石晝夜不絕未易輕進若突然分路上攻搶得迎面各礮卡一氣直上正山梁得手較為迅速因於十二月初六晚分撥官兵海蘭察同伊蘭保等攻搶中間城卡福康安烏什哈達等攻其左普爾普額爾特等攻其右而令侍衛遜集眾潛密繞出賊礮之上向下攻壓額森特則於大路直取格隆古其間尚隔三礮派烏爾納那

木札等從正面進攻特成額等攻其左書麟等攻其右
豐昇額親往榮應並派海祿等率土兵從雅瑪朋穿越
林箐前行繞至兜窩了口以待并力齊發初七夜海蘭
察等由中路直進官兵從鎗石叢中鼓勇上登殲賊甚
衆逃集尕等亦已繞出其上賊不能支紛紛敗遁福康
安普爾普等同時合力奮攻其指派各碉卡均經克獲
殲賊亦多官兵勇氣倍增遂將科布曲寨落全行攻克
額森特等又攻克格隆古等各碉賊突圍出者經官兵
截殺殆盡海祿之兵已攀援上至兜窩了口與海蘭察
額森特會合即將了口擒佔并克科布曲附近寨落及
拉布咱占寨而索隆古山勢更高碉卡在岡岡之上潰
敗賊衆退聚其內不宜稍羈即令索倫兵率土兵由林
箐中繞進抄出其後海蘭察額森特從正路上攻賊人
棄碉奔遁官兵躡擊殲斃及帶傷斃者又復不少遂將
索隆古佔據并將得木巴爾都斯碉卡一併攻獲又
將安布魯木一帶併為掃清通計攻克大碉石卡木柵

一百餘處獲礮九鳥鎗刀矛等物無算殺賊二三百名
生擒二人即日發兵直搗賊人巢穴以冀早為掃殄是
役也將軍等調度合宜叅贊及領隊董率奮勉
各兵亦俱勇往出力深為可嘉因勅部優叙
即賊巢俗謂之刮耳崖者
頻覆卵殲冒險衝鋒資衆力除兇助順賴

天慶紅旗早晚其將至益切中宵盼不遑

副將軍明亮奏攻克獨古木寨落及搶佔乃當山

梁情形詩以誌事

逆巢正路自河東牽掣河西亦藉攻

阿桂等統兵由河東進攻自克勒烏

圍後屢得賊人西里一帶至雅瑪朋等碉卡近復佔據
科布曲索隆古山梁已扼賊巢險要即可直搗噶喇依

為掃穴擒渠之計自屬進兵正路其河西之兵原以牽綴賊勢而明亮等自得宜喜茹寨以來漸次逼近河邊與河東聲氣聯絡自夏至冬鮮有克明亮等於六月廿八九日派兵分路

益可成犄角之勢攻得石真噶賊人大碛設立木柵

駐守此後雖常進攻未能有得

近今較昨略稱雄

月初十明亮等攻克扎烏古碛寨尋又攻取碛占此路官軍遂大有起色十一月十七日復將達撒谷擦角赤

爾登布里三道山梁

忽聞獨古

即獨古木急呼之則獨古

已登險且

悉行攻獲軍聲益振

戰乃當圖下衝明亮奏云十二月十四夜派奎林阿爾薩朗等攻取在上之獨古思得又派

興兆等佔據山頂和隆武德赫布等攻取在下之獨古木思滿分左右繞進將近黎明賊人望見放鎗抵禦奎林已率兵先登斫碛門而入殲賊無遺其葛木呢布各寨之賊亦紛紛棄去各鳥獸散復派德赫布等攻取布

吉魯和隆武等攻取達那賊衆皆望風披靡間有抵拒者即為官兵鎗箭所殲其賊目在後以刀驅之亦不復顧所有山梁上下寨落八十餘處官兵隨到隨克立行燒毀通計殺賊百餘擒活口二獲礮一據云乃當已克大半再前更無險阻即甲雜寨建於臨河石包之上攻之亦為省力云云已降旨將明亮舒常及將領員弁等下部優叙兩路官兵奮勇夾攻成功在邇益盼紅旗迅至

望捷旗紅

製玉鳩頭方竹杖恭進

皇太后並成是什

鳩杖由來養老傳其相方竹更宜然溫如在

手資雙步穆以隨

身助大年四面削成不踰矩一枝卓立却殊圓

扶携代我供晨夕萬六春秋

食履綿

歲暮禋祭

太廟禮成述事

或問禘之答不知義竄精存誠心果薦出治掌如平

源本宗溯

祖趨跼弟與兄

壬辰冬因予春秋已逾六十命閣部諸臣議正位躬致辭看列祖各

位則派近支諸王及皇子恭代以節繁縟內惟裕親王為朕兄餘皆弟姪及孫曾輩矣禮成忻以

戚肯俾代而行

詠玉尺

弗盈今尺盈周尺總覺猶輸寸所長寶鼎仙人詠李白
襄城縣令擬劉方輝輝不露截肪質沕沕全藏浸土光
偶撫直方別有契問誰佳句稱斯量

除夕

今年冬雪美半月早春投迎送通宵例光陰逝水流蓮
英燦銀燭栢子蘸金甌貌口燭烟噴徐成寶篆浮

御製詩四集卷三十二

欽定四庫全書

御製詩四集卷三十三

古今體八十五首

丙申一

丙申元旦

宛宛青陽倣氣舒太和朝會列簪裾紀元四十方開一
勤政惕乾敢負初飽食暖衣恒願衆盈持泰保益殷予
三朝吉語占新歲綈几霞牋試筆書

元旦試筆

逢申共識應連西得酒還欣於乞漿運斗旋杓環紫極
卿雲旭日麗青陽訓民符節觀新物傳道敷風誦四方

更值邇來頻報捷

前日阿桂奏攻克喇阿古斯拉瓦等
喇卡進據則胡拉克了口駐噶占山

梁擬即整兵直搗賊巢昨明亮奏已得乃當賊礮乘勝
前進攻克甲襍賊寨并將河西一帶後路肅清現擬渡
河攻克雅中喇嘛寺并力合擊噶喇依此刻明亮等復
奏攻克獨松卡拉爾舍斯滿一帶並緝阿桂已攻克舍
齊喇嘛寺現在圓勒噶喇依同時富德亦奏攻
得馬爾邦等處即可期掃穴擒渠紅藥連至
速希歲

績額

天慶

歲辨坤方得朋吉月占乾卦九三臨樓陰雪色鋪瑞色
市上人音聽喜音疊疊心存無暇逸昌昌福迺有壬林

廿年勤政方歸政

余踐昨之初曾告

天陳願至乾

需二十載然敬勤之心始終如一不敢稍懈也不負初心勉自今

題黃鼎歲朝圖

松惟傍修竹梅不並凡枝

藥括黃鼎
自載語

生面出塵筆

凡畫
歲朝

圖者無不取吉語此
惟寫三友可謂脫塵

初韶祝嘏詞允宜稱淨垢

鼎別號
淨垢老

人雅合卜延禧三友三元日屠蘇醉宜辭

詠和闐玉如意

玉原具五色首以白稱玃量質為如意比材定古人無
瑕誰得扶有願必能伸設曰天花落猶當屬幻塵

雪

正月初二日

翼旦逢膏雪新年第一祥繼冬優且渥

昨歲冬雪屢霑且極普適優渥

為週年所未有

彌宇霈而霑

鳳輦銀花度

今晨恭奉侍宴

適祥翼飛集尤深欣忭

龍樓玉

蝶翔軍書頻報捷

連日軍營屢報捷音今早阿桂等奏捷已攻克舍齊喇嘛寺雍中喇嘛寺藏

其助惡大頭目當嘴拉阿納木等官兵直抵嘴喇依四面圍定索諾木及莎羅奔弟兄並黨惡賊目俱在園中即日便當掃蕩擒

農諺幸徵穰遇順益知慎蒙

麻敢不慶重華燈燭朗歡捧

萬年觴

新葺寧壽宮落成於新正二日恭侍

皇太后宴敬紀八韻

元旦率羣辟

東朝典禮循翼辰呈曲讌首祚

笑言親寧壽慶成落

禎祥邀錫申妃嬪陪肅肅孫子集振振

鳩杖全無藉

皇太后步履康健雖製玉鳩杖恭進仍不藉扶持也

兕觥奉有

倫

高年健太極行樂信天真此日旰宵忘他時宴息身期

仍斯侍

膝永祝萬千春

題養性殿

養心期有為養性保無欲有為法動直無欲守靜淑放
彌與退藏一起應一伏伊余居養心勤政恒自勗久而
弗肯懈可以盟幽獨設誠六十年八旬有五足允宜歸
大政餘日享清福是用構養性一倣養心屋引義為長
言如願未敢卜

明憲

養性明憲異養心

養心殿東暖閣臨憲坐處顏曰明憲
固取憲紙通明亦寓明日達聰之義

養性殿雖倣其制為之然係他日歸政後所
居僅取明憲本義否亦借喻淡泊明志而已惟應六一

金三十三
是知音他年若得遂初願淨几還欣帖背臨

歐陽修引蘇舜欽之

言云明窓淨几筆硯紙墨皆極精良亦自是人生一樂然能得此樂者甚稀云云余倦勤後果能坐此臨帖豈

非人生大樂乎

題董誥書懿戒圖

既題養性殿詩親筆書軸懸之東壁其西壁思圖所以稱之者無過武公之懿戒也乃命董誥述義設色業成因題此什

養性預成朵殿崇經營不藉庶民攻

我朝凡有營建皆發帑和雇從不徵

力役民

紹興宴樂鄙宋帝懿戒威儀慕武公此日憂勤仍

亟勗他時敬慎尚期同抑齊迴憶當年額

予之抑齊為
皇子時所題

額也向作齋記
亦三致意焉

斯志依然勵始終

題樂壽堂

寄興由來在山水

向以萬壽山背山臨水因名其堂曰
樂壽屢有詩後得董其昌論古帖知

宋高宗內禪後有樂壽老人之稱喜其不約
而同因以名寧壽宮書堂以待倦勤後居之

紹興先我

篆題銘因名寶額待他日冀叶貞符娛曼齡憂則付人

樂則壽存吾順事沒吾寧

用張子
西銘語

廿年屈指居斯後

恩許之乎賴

吳靈

降旨加賑去歲畿南被水州縣詩以誌事

畿南昨歲殊前歲前歲旱侵昨澇侵

直隸河間天津前歲被旱成災較重

昨歲夏秋水稍多濱臨河淀低窪之區雖皆被潦然通計不及一隅史分較前歲為輕

高處有收

縱餬口連年逢歉越厘心因教加賑周節屋

被水雖五十二州縣

廳其中較重者惟霸州永清等六州縣次重者止文安武清等八縣各於常賑之外加賑一月以資接濟仍命

大吏率屬實力妥辦俾窮黎均沾實惠

肯使持籌惜帑金更勅妥為大小

吏俾予愷澤普霑深

題趙昌歲朝圖

滿幅輕綃蒼衆芳歲朝首祚報韶光硃紅石綠出畫院
寫態傳情惟趙昌祇以麗稱弗論格粹於多處若聞香
宣和好畫非真好跡涉筭吹熱鬧場

江少虞謂趙昌畫若染成不為采色所隱是幀寫生
工妙信非昌不能辦第玩其結構下截布置分明水
仙已居其半而湖石僅五寸許花朵繁密略無餘地

枝幹俱未能展拓盡勢名人章法必不如此益畫幅
本大或有破損處為庸賈割去別署偽款所存已非
全璧然昌畫不多覲吉光片羽亦自可珍既題以什
並識所見如右

命加賑各省昨歲被災州縣詩以誌事

寰寓既已廣胥繫民生計水旱或不齊自是恒有事歎
少豐者多即為蒙吉利豈因願普豐而任逢歉諱猶幸
此意誠羣工悉我意無不以實告告必籌賑濟昨歲豐

者多報歟亦或至南則上下江北則甘肅遼新正布德

音應與施實惠加賑視重輕展限分次第

昨歲各省豐收者多惟上

下江夏秋兩澤偶愆甘肅夏禾秋禾亦間有被旱被雹之處因降旨將安徽成災較重之定遠泗州等七州縣及廬州等五衛江蘇成災較重之句容江浦等十縣次重之上元江寧等十八州縣及鎮江揚州二衛各加賑一月其甘肅夏災之皋蘭等七州縣秋災之隴西等十一州縣亦各展賑一月其餘較輕者並酌借籽種口糧俾無缺乏並勅督撫等飭屬實力經理毋致一夫失所

屯膏風所戒敦澤在諸吏

勉之各盡心向隅慎莫致

新正淑清院

昨晚侍

家讌令晨問

懿安退猶有餘暇便以適清盤春雪連臘雪民歡切已
歡松篁與泉石銀世界中看

素尚齊

岳語中得路菁蔥處有齋初春欣始遇一雪與增佳泉
瑟玉為瑟松釵銀作釵檐題稱素尚果是副名懷

千尺雪二首

迴廊下轉接溪齋面對飛流落礫涯想像寒山聽雪閣
春音春物總相諧

千尺雪雖假藉名較真雪却有餘聲設非真者仍堆積
歲內瑞雪屢霑茲新正二日
又逢優霽五出實兆農祥假亦倩誰作證明

交蘆館

和風習習拂氍簾窓俯冰池涼不嫌便是一莖無植物
交蘆原可悟楞嚴

蕉雨軒

北地雖有蕉夏月方植庭依然湖石傍徒懷綠天青書
軒液池邊一年曾幾停晒茲積雪佳便希甘雨靈未副
名何妨務名目將焚

題香泉殿

十五讀書處忽忽五十年縹緲若有待學業祇依然慚
愧誠多矣殷勤欲勉旃於中稍得力弗蹈自欺愆

豐澤園

此園

皇祖初學圃寓勤農冬菜風障護

治圃者縛棘爲籬護風謂之風障

秋

凝雪隴封觸觀總淳樸愜意可從容南望瀛臺麗奢哉

非所宗

題鏤玉丹臺春曉圖

元圃崑墟王母都一峯不脛走中區遂教玉府他山錯
寫作丹臺春曉圖鑪火未寒鶴爲守橋波迴看鹿堪呼
列仙傳合旅葵訓彼弗須求此愧吾

邊文進平安戢穀圖

鶴鶉名可喻平安嘉穀將登瑞露溥寂是隴西熟小雅
圖成合傳歲朝看

考邊文進字景昭明永樂時畫院令閱其署款既作
內殿臣恭進則不當僅書其字細觀此幀尺幅本寬
或真款為人割去或畫成原未署款俗手不察遂爾
妄增但幅中賦色肖形工而不滯細而不冗信非文
進不能辦款之有無固不足計耳

顧正誼開春報喜圖

梅花塢裏春先到樂歲圍爐老友陪童子庭前鳴爆竹
喜音都共捷音來

題墨法集要圖記

墨法集要一卷明洪武間吳郡沈繼孫撰自言初
受法於三衢墨師後又從一僧得墨訣遂并錄成
書縷析製法繪圖二十有一各為之說頗切於用
其書向不傳昨檢永樂大典得此命儒臣錄入四
庫全書原本諸圖間有參錯者重加釐正復命徐

揚為設色長卷以佐幾餘清賞因成長律并識簡端

隋廩最古漢書銓魏晉逮唐代有馬磨墨磨人胥實盡
供書供畫祇名傳繼孫斯得三衢法韋誕難求一帙編
為說為圖臚次第孰先孰後遞尋沿因教設色成長卷
便以遣閒佐翰筴設曰旅葵箴玩物較於他物此差賢

筆硯匣

二萬餘篇總出斯

自臨御以來所作詩已編刊者初集四千一百五十首二集八千四百六

十三首三集一萬一千七百十九首又自壬辰至乙未詩未刻者三千九百五十七首通計共二萬八千二百八十九首此云二萬仍舉成數而言也於斯闕詠太孤伊白賤朱字有如

是塞北江南無不隨久矣伴子閱朝夕奢哉笑彼號琬璃先憂後樂憑消遣祈歲念茲還在茲

詠宣室霽紅小花觚

火色而渾火氣無落霞訝失鶩飛孤名存實否者多矣
小品寧論觚不觚

再題斂永樂朱漆盤

碎辦菊花攢做成永樂盤匪黃處士訝渥赭碩人者在
手若無物因心識有官思量均易致惟是得賢難

新正悅心殿

新正藩宴循成例待備遊山陟碧峻五歲軍功一朝歲

兩金川負恩抗拒不得已而用兵自收復備拉以來攻
勦促浸再閱寒暑今阿桂已統兵圍攻噶刺依賊巢即
日便可掃穴擒渠大功全

三冬雪澤翼辰仍

昨歲冬雪
屢霽既優

且普新正二日復
渥祥霽足徵農慶

於斯即景心誠悅詎敢生驕志忘

去聲

兢珠綴屋簷玉鋪砌摘吟合有樂章增

題慶霄樓

聳翠層樓窄堵傍慶霄真覺薄汾陽一時偶憶謝宣達
五字曾吟張子房翰墨娛情簡芸馥韶春有脚在梅芳
皇州甲第紛憑望保泰持盈厯念長

巢雲室

欲尋虛室攬英英耐可東郊積六靈謾謂假山巢未得
春陰瓊島早傳名

盤嵐精舍

石洞四五轉窈窕鬱峭蒨竅罅露曦晶明晦互光幻東
出小開豁精舍得當面生機撫春樹古意眇雲嶽叶文
榻足憇息斐几陳筆硯觸興便拈吟綺麗非所羨

馮妙石室口號

窈窕而深廓有容倚檻人面起危峯不曾倩得荆關筆
妙寫無餘淡與濃

古遺堂

金元明已逝如馳閱世堂猶稱古遺既曰古遺今對者

深長可不惕然思

蟠青室

橫嶺與側峯青蒼各有時
青於春夏際蒼與秋冬期
惟此雪中青四季無改移
而亦弗失蒼閒窓爭效奇
坐對出藍者恒春實在茲

延佳精舍

假山精舍枕迴巖布席剛饒
十笏寬北望居庸原咫尺
千巖萬壑室中盤

嵌巖室

樸室築岬岬兩間曾弗廣南仰巖色蒼北俯水光朗偶
然拂席生蒿爾生別想箇中設有物偏仄殊骯髒惟其
守一虛所以含萬象

紫光閣曲宴外藩即席得句

廊展前楹布席寬果然還繪戰圖觀

昔西師凱旋曾錄其功績繪為戰圖張

壁今征勦金川集勳在即而自進攻促浸以來摧堅奪隘戰績尤多擬添繪新圖紀盛預展前楹以待當於

凱宴時聯情雖合此中外効力那忘彼糾桓將是承筐
張之

祇循例及陳凱宴此真歡鐻鐻近已習生痘絲服欣看

捧爵盤

蒙古以未出痘者為生身不敢至內地是以策凌烏巴什雖歸誠二十餘年惟於熱河朝覲昨

歲渠已出痘因亦來京朝正即命其於筵前進酒

寧壽宮落成聯句召大學士及內廷翰林等至重

華宮茶宴即席成什

八旬有五應歸政踐阼之初盟宿忱豫立中庸明訓著

宛看寧壽落成吟漢唐太上那須數

上聲 太上皇之稱始於漢高祖之

奉其太公本不足比數唐太宗興兵逼父讓位更為逆倫睿宗在位未一年即因定亂傳位明皇及明皇幸蜀

傳位肅宗皆迫於勢之無可如何均無足稱適也

堯舜傳心是所欽一日業乎

宋儒語敬茲敢憚凜難堪

新正文宴例循成吉語迎禧此共賡宵雅昨因詠松茂

重華今用侑茶清同寅異日胥耆宿小翰他時亦上卿

同與茶宴諸臣與余同庚及年相彷彿者至朕歸政時亦俱在八旬以外即翰林中之年少者彼時亦可至列

卿設果

天恩符所望迴思此際可無情

新葺寧壽宮落成新正恭侍

皇太后宴因召廷臣即事聯句有序

觀成式本適求安貽葺屋大德自徵必得釐迺

萱庭繫斯寧壽之宮

昔奉

思齊之所址仍由舊發水衡而役不知勞規乃更新營
塗裘而居還有待溯方踐阼之歲蠲辰曾顯

昊穹誠期歸政之年逾甲敢同

皇祖竹紀尚俟諸廿載精勵圖恒棟隆詎集夫一時事

謀貴豫工作既基之始矣規模可得而詳焉稽彼
中垣寶維正位前臨皇極構崇檐而御以受朝後
倣坤寧循舊榜而葺因修

祀養性端宜彌性即契知仁頤和雅稱導和爰申祺祉
列敬勝之新刻效淳化之重摹廊綬迴而石墨流
香閣旁通而壺天闢境東則面文峯而臻景福翼
暢音者樓閣岩亭西則倚邃洞而啓遂初揖符望
者軒齋櫺比乃若或銘或頌各有取材以及一詠

一吟無非遠興茲當慶落適屆開韶詹正月二日
之芳朝例事重華

家醪奉

八袞五齡之

聖母臚稱

長樂春觴妃嬪祇肅以承

顏進旨親調

玉饌曾元聯翩而繞

膝

含飴笑顧斑衣冀他年長侍

鸞儀愛景無嫌稱老欣此地肇歌

燕喜示慈用藉聯情履端值五日花風俾載賡而成什

倡始舉一先吉韻緣從朔以拈題欣馳鴻捷於金

川紅旗遙遞快繼豐占於玉圃蒼輅將臨

時係祈穀

致齋前一日

第云君子攸寧猶稍覺周詩之私祝設曰

聖人多壽其勿侈華封之善禱也哉

御製本擬乾隆六十年設誠如願禪去聲應然敢期增益比

皇祖皇祖臨御六十一年予不敢上同皇祖是以踐作之初籲天默祝至六十年即擬歸

政

定卜京垓邁老錢有志竟成豫則立無疆惟慶萬

斯千日強洵識由莊敬臣舒赫德行健原知本靜專露

布恰逢馳捷速連日軍營捷報屢至已雪鋪矧際

告豐駢初二日祥雲濃集繼來朝述職蒙思

觀幸

與嘉會

龍光接

臣高晉

前席書思鳧藻宣

詔許蓬山瞻宸上

奉

董誥至

命

臣于敏中同臣王際華臣李壽宮瞻仰俾得措詞

親情希芝圃值常川

計至乾隆乙卯臣年亦八十有二預懇隨侍東朝仍

供奉

見聞竊幸言親切

臣于敏中典守殷蘄衛潔捐臣

隆安奉

寧壽宮宿衛事經始況同文囿樂鳩工都給

水衡錢

所有寧壽宮工程臣亦忝司其美輪

美奐大夫頌

臣隆福安

御製如茂如苞小雅篇寧壽因教蒐裘輯唐虞未遯禹家

傳落成

聖母邀洪貺

以新正二日恭奉
皇太后於寧壽宮侍宴

蕃衍雲孫盛往編

袞袖

輦扶雙鳳翹綵蕤燈燦九枝鮮

饌調饌玉香迎筵

臣程
景伊

樂奏鏘金漏永蓮

愛景怡開韶景俶

示慈為普

懿慈綿七言賡踵

左箱什

臣王際華

五日

思分

內殿賤

豫順攸宜題舉朔鼎新合紀韻從先青陽正暎

東華旭

臣曹秀先

黃道恒臨南極曜歲兆文明占丙炳禧承

保佑值申堅

重熙豐阜閭閻洽

臣蔡新

御製復旦光華堂陞聯

八十五齡數上聲未艾

位名祿壽德為全居茲將似

萱庭褰

今年壽宮時

皇太后春秋八十有五計子懋居事聖母應臻百旬以上子適同

慈寧今歲

壽算矣

視

昔宜恢松棟廙

準酌適中規宣侈

懋遊在邇地非偏周星環列原依次

臣英

太紫圓方却

比連西望

瑤樞對長信

后宮門名

前窺華構聳文淵長生取義門

隣震

之東

宮在蒼震門
巨松璜

資始成功象法乾積算決旬還僂指

勅幾一日政付肩

誠惟不息徵能久

臣阿
思合

敬以毋渝式莫愆

昭事總臨心翼翼遵王共效道平平

有那爰叶安而吉

臣張
若淮

御製無逸遑圖適且便夕惕朝乾斯勗爾怡神頤體待於

焉三分閱二一已近

以六十年為斯茲乾隆四十
一年則已過三分之二矣

四序函元貞又旋共仰

精神宵逮吁請言制度末詳顛舊儲靈境分平城

臣梁
國治

新斲瑰材耀樽杓翕葩薇垣環

御氣龍葱駕五颺祥烟彩楹傑拱梅梁架臣周寶網續

垂藻井拳礎帖柱疏凌曲檻淙攢芬帶蔭華掾斯

飛斯革如斯翼臣王杰是斷是虔或是遷箕範

頌敷

雲黼麗

五福頌 御製

湯盤

銘著

御屏鐫

寧壽宮銘 御製

廣披三路

東宮制分中西三路

地兩戒

臣董誥

御中峙九重

中路自皇極門至景祺閣凡九重

天大圓

以下中路

皇極前殿名

福徵仍歛錫坤寧

神祀例誠虔

寧壽宮在皇極殿後其制悉仿坤寧宮將來歸政時當移坤寧宮所奉之神位

神竿至此仍依現在祀神之禮

無為養性

後宮前殿名

娛老可

未發頤和名

軒

中節緣

珎列廊墉宋閣仿

樂壽堂前後廊壁嵌敬慎齋法帖如淳化軒閣帖例

樂

去聲殊山水魯論詮

壽堂

考惟祺矣輳九寓

臣汪廷璣

介

爾景号源八延

景閣

德壽圖安卑漫論

宋高宗居德壽宮

紹興署逸鄱須捐

高宗有樂壽老人之號見董其昌書論

充之皆滿

化為國

頤和軒內額曰太和充滿臣錢載

是謂大同情乃田

御書樂壽堂聯有樂同樂而壽同壽之句

內建崇杓運斗極外標重闕

下詳中路

宮門

納薰絃凝而聚總如山阜

臣凝祺門汪永錫澤

所覃均及漏泉

澤門昌

萬宇受禧啓孚甲

禧門欽

一人篤慶徧螺螭

篤慶門

旁巡閣道錯成繡

臣阿肅

御製左倚城隅直似弦

以下東路

絲竹東山學晉傳畫圖香社

勝唐賢樓名閱是閱如是

屋揭尋沿

書屋名

尋更沿奚異羲文太音暢

音暢

肯

教何賦儷詞妍

景福宮晉何晏有景福殿賦

奮從雷地心養素

臣導和養素具綬詔

幻出壺天道得筌

宣豫壺天

境本最高

香作界

佛真現在願為船梵華普散維摩諦

梵華樓臣沈初

慧日恒

融乾闥禪

佛日樓

挹翠鬟空裁湧髻

翠髮亭

出雲竇細

裊裝棉

石洞上鐫雲竇

對橫

禁堞排千雉

保泰門東出正對紫禁左垣

臣陸錫熊

立矗文峰

石削一名

拳氣滿函闕來桂苑晷賓暘谷麗蘭榜閣門東上

勢迴幹

臣陸費輝

御製廣內右通經蜿蜒

以下西路

敬勝倦勤號相易

倦勤齋之制即仿宮

內敬勝齋因係歸政後所居易斯名耳

遂初

堂名

符望

閣名

志猶懸得間

室名

信

可得間耳

華賞

樓名

由斯華賞旃秋實春華芳采擷

芳亭

鳶飛

魚躍趣招延

趣樓延

庭輝拓向重霄迴

臣金士松

軒

古遊經三代還

華軒古

維德之隅少至老

齊抑

從心

所欲

後同

前亭

矩

秀而文寄邱兼壑

臣

聳秀亭
陳孝泳

粹以精如玉匪璫

粹

軒玉

螺碧層層嵐宛轉

石名
碧螺

竹香

館名

个个影娥娟

歲寒友識畫家致

臣三友
紀昀

春祺賞尋書法妍襍

賞 臚詎參差詫崑閭期惟

暑羨軼喬佺詩言其志祝同效

臣倪
承寬

御 情見乎辭頌盍竭此日敢疏懷負宸他時還擬侍

長筵心乎愛矣遐不謂不謂求仙敬籲

天

題倦勤齋

敬勝依前式

此齋依建福宮中敬勝齋式為之

倦勤卜後居

將以八旬有五歸政

後居之

撫時斯異矣題額故殊諸娛老非闕政沃心那廢

書廿年期此願未識可能如

隨安室

廿五前隨安讀書樂羣誠多歡廿五後隨安勅幾切已為君難期八旬有五歸政仍是室也心應寬一日未息

肩萬幾敢憚煩隨時隨地勵斯志欲冀他年魚事坐此
忘盤桓

頤和軒

即漸菟裘構居圖豫立那此時仍盡瘁他日擬頤和奢
願誰能息高年彼任磨雖然期廿歲駒隙度義娥

淨塵心室

六塵總因心心淨塵斯淨室云淨塵心本未似相梗然
亦可得云如身之有影欲求影之無應在身之屏誰解

能所忘與入菩提境

題董誥五君子圖五疊舊作韻

卉中乃有五君子豈非各具為儒性凡經五詠遂茲六

喜吟未祛結習病詞臣者三張

若霸鄒桂錢維城

並有其圖

題識興獨遺董老誠何謂

向命董邦達所畫最多而獨無此圖亦一缺欠故命其子

為之爾誥應思緇衣鄭後凋交翠松柏竹梅與水仙榮春

孟點染位置咸恰當要皆能肖品之正繼聲翰苑斯已

佳吾將進之以治政

詠白玉鵝頭

漢玉鵝頭此肖為

舊有漢玉鵝頭蓋杖飾也向贈題句茲倣其製為之扶携他日

待相隨雖今步履全無藉豫立中庸有訓辭

題沈周倣倪瓚山水冊

溪橋早秋

野亭四柱倚江濱落葉纔看勢未紛隔岸遠山幻明晦
依稀欲出護霜雲

山鵝看雲

山腰膚寸吐雰霏茅屋人家半掩扉底事往來絕行跡
恐防濕潤早霑衣

水閣松風

茅齋幾架碧溪邊拂鬢天風意欲仙松韻湍聲相問答
高人屬耳似聽禪

竹坡間憩

古樹疎枝齊竹枝畸人憇下立屢屢隔溪雲岫意無盡
誰識其中與共之

蕉石臨流

石如蕉與蕉倚石真境幻名兩不差却繾綣情武林外

湖西山憶號丁家

西湖金沙港南曰丁家山有奇石林立狀類芭蕉山根有泉流出作琴筑

聲舊名其景為蕉石鳴琴南巡臨幸曾有詩

仙岩幽訪

環抱溪山幽且崇境非秦岱即崆峒策筇同旅聊相訪

那學軒轅拜下風

梧館清陰

梧下茅菴秀而野清風疎影漾參差主人合是倪高士
祇欠呼僮一洗之

春亭延翠

亭中危坐是誰伊畫意詩情兩默思不似似誠善學柳

雲林後乃一人斯

未二句槩括冊
前董其昌題語

祈穀齋居

遷坐居左个大齋異燕

去聲

時戒辛清口味簡政謚神思

戶換宜春字屏多望捷詩

去歲齋居有題壁率多盼捷
句幾回清詠不勝慙之句

幸哉圍賊穴仍急盼紅旗

阿桂奏已統兵直搗噶喇依圍其四面即日便當掃穴擒

渠紅旗迅至

四川總督文綬奏開夔關米禁詩以誌事

金川逆王命問罪有師指惟是地險要征以五年矣儲
峙出民間過糴不得已昨歲文綬奏持籌熟紮矩叶並

欲禁雜糧夔關販胥止

邇年征勦金川軍儲需米因從該督等之請變禁川米出關去

冬文綬奏川省所產雜糧亦請飭夔關截留禁止商販
朕以稌糧非軍需所用應仍聽估舶流通俾從民便且
昨歲江蘇安徽兩省俱被偏灾市值不免騰踊若得上
游糧食販運可資接濟因不允所請呈諭令大功告成

後夔闕川宋因計江浙民接濟賴餘此如何概絕之覽
亦當弛禁

摺批弗許叶且令一聞捷即免截穀米邇來屢報勝賊

巢圍尺咫茲接驛章呈弛禁一遵旨

茲據文綬奏大功即日告歲軍糧儲

備充盈無庸復行採買已遵旨
將夔關開禁仍聽運米通商

流通利閭閻是固吾所

喜

題舊五代史八韻

上承唐室下開宋五代興衰紀欲詳舊史原監薛居正

宋開寶中詔修五代史盧多遜危蒙張澹李昉劉兼李
穆李九齡同修宰相薛居正監修書成凡百五十卷其

後歐陽修別撰五代史記七十
五卷藏于家修歿後官為刊印
新書重撰吉歐陽泰和

獨用滋侵佚

歐史既出遂與薛史並行當時以薛史為
舊史歐史為新史至金章宗泰和時始詔

學官專用歐陽史于是薛史遂
微元明以來傳本漸就湮沒

永樂分收究未彰

永樂大典

雖載其文然割裂滿并
已非居正等篇第之舊

四庫蒐羅今制創羣儒排纂故

編償

因校四庫全書詞臣等于永樂大典各韻所引薛
史甄錄條繫得十之八九復採冊府元龜太平御

覽通鑑參考與五代會要契丹國志北夢瑣言諸書以補
其缺並參考新舊唐書東都事畧宋史遼史續通鑑長

編五代春秋九國志十國春秋及宋人說部文集并碑
碣尚存者以資辨證卷帙悉符原書而考核更加詳備

殘縑斷簡研磨細合璧連珠體裁

去聲

良遂使已湮得再

顯果然紹遠藉搜旁兩存例可援劉昫

書成呈覽館臣請依劉昫舊唐

書之例列于廿三史刊布學官從之

專注事曾傳馬光

薛史文筆雖不及歐史謹嚴而敘事

頗為詳核其是非亦不詭于正司馬光通鑑多採用之

序以行之詩代序惕懷殷

鑒念尤長

詠定窰三羊洗

中矩自成方三羊義寓陽佳哉開泰運久矣息寒芒

宋時

以定窰有光芒不用惟用官窰器見高士奇詩

物每重于後品知那有常一時

聊寄興五字亦成章

題和闐白玉盤

伯克呈方物

盤為紫爾羌三品阿奇木伯克貝勒折價倍值厚賚之

薄來

厚往加解朝原尚白不掩本無瑕李氏呼為月

李白詩小時不

識月呼作白玉盤

杜家藉以霞

杜甫詩登以白玉盤藉以如霞綺

七枚貯桃子

荒誕那須誇

命議謚前明靖難殉節諸臣詩以誌事

有序

明建文革除之際其臣之仗節死難者史冊所載甚多當時永樂以藩臣犯順陰謀奪國諸人自當

義不載天雖齊泰黃子澄輩輕率寡謀方孝孺識
見迂遠然其尊主鋤強之心實堪共諒其他如景
清鐵鉉等或慷慨捐軀或從容就義甚至如東湖
樵夫補鍋匠之流雖姓名不彰而其心均足嘉憫
特以永樂殘刻性成屠戮之慘極于瓜蔓殆非人
理朕讀史至此未嘗不深為憤恨夫以勝國革命
之時其抗我顏行者尚念其忠于所事特予表章
矧建文諸臣遭內難取義成仁豈可令忠臣義

士之氣湮沒弗伸既命大學士等一體查議予謚
以發幽光而昭公道復成長什以誌其事

項羽阬降本秦卒黃巢縱殺乃唐人豈如永樂誅戮者
都是孝陵培養臣瓜蔓牽連何慘酷松凋節烈總忠純
方齊謀拙斯宜恕景鐵心貞實絕倫潛德幽光賴褒闡
成仁取義忍沉淪勒章七字聊表舊悖史千秋閱重
新

去聲

正月八日詣齋宮作

占穰農諺值金庚況是兼逢穀日晴夜雪午風經昨過
盡融和旭颺前旌

黃道直南路轉東入壇謁

位禮崇隆柏松根下積餘雪澤在農田感謝中

齋殿南廂十笏居明窓坐覺體安舒案陳詩冊從頭看

自己卯年冬至始每歲

祈穀

常雪

南郊

三大祀所有詣齋宮及禮成詩皆書于冊陳之案頭每

至輒披
覽一過
敬怠因心自檢予

祈穀禮成述事

由來邦本曰惟民

祈穀因民重上辛已幸臘春逢雪渥更聞硃紫掃巢頻
居

天子職古無數沐

乾父思子鮮倫言出心聲敢以實若驚受

寵益增寅

詠和闐玉如意

一握玉如意長盈尺有奇柄文渾勝畫首素待題詩代

語翻增語聲宜無不宜問余深願者惟在雨暘時

正月初十日恭奉

皇太后幸圓明園即景得什

撰辰行慶

翠鑾奉初歲開韶紫籞臨臘雪已欣霑遍野春雲又見
吐遙岑恒同民樂期無數轉為時和惕不禁幸較昨年

還功歲

去歲新正有獨盼紅旗尚遲到難忘丙夜間軍
郵之句近則大軍已圍定噶喇依賊巢擒光報

捷祇在旦夕矣紅旗旦晚遞佳音

題文源閣

四庫猶遼待圖書今古披

我皇祖古今圖書集成凡一萬卷雖無永樂大典之

多而考核精當不似彼限韻割裂因于文淵文源文津三閣各貯一部以舊有之書已度之厨矣

縹緗

觀新歲前後繞清池觸目資深造澄懷得妙思文源端
在此詎謂騁妍辭

再作玲峯歌

青芝岫及此玲峯二物均西山神產前後以徐胥致之

束牲告詎勞書簡

米萬鍾得異石于大房山束牲載書以告薛因見之因代石報米書春明

夢餘錄

芝岫樂壽

堂名在萬壽山昆明湖畚

樹塞門玲峯文源

閣名御園

新建以待貯四庫全書

峙溪塢

叶

岫橫峯豎各適用造物生材寧

可舛體大器博復璫瓏八十一穴過猶遠

見米芾宣山帖

取自

崇岡歷平野原匪不脛實車轉豈其出于不測淵宣毀
橋梁鑿城閭所幸在茲愧在茲作歌箴過非頌善

月臺

天一取閣式文津實先構

命仿浙江范氏天一閣之制先于避暑山莊構文津閣次

乃構文洲閣于此月臺則又仿文津而為之也

月臺及西山米帖符邂逅此耶

肖文津詭石堆奇岫亦復有月臺祇欠西山觀然月自
升東山有無奚疾淦淦麗新春朗朗輝諸宿相映古人
書脅窟誰曾透

趣亭口號

綴景文津畢肖諸山亭四柱最延虛若論真趣于何是
相對閣中萬卷書

再題廓然大公八景

雙鶴齋

漸鴻那學用為儀雙立齋前古貌奇渴飲饑餐適其性
大公順應想如斯

規月橋

波心橫渡借橋連本是如規學月圓漫議水凝失其半
從偏原可識為全

峭蒨居

窻舍怪石聳巖岑久假如真歲月深因識東西洞庭者
元黃初判豈殊今

影山樓

誰云山靜全無動浸

去聲

水含曦亦有時今日虛無看弄

影始知杜句未予欺

披雲逕

礪戶雲封亦可欣往來徧徑必披雲然因人與安名耳
雲者那知聚及分

綺吟堂

結習誰能頓與忘吟之一字我猶當却非綺耳惟樸耳

句出天真又豈妨

韻石淙

石上流泉因有韻可欣此韻是天然
彼哉論曲絲竹肉又豈能知大樂詮

啟秀亭

芽紐已看亭脚草心香欲發
岳頭梅滿園底藉紛紅紫
好是東皇啟秀哉

題官窰餅

陶得純青生二成果然色質勝難兄緣去聲銅試看守口

器

餅以銅鎖其口舊物多有如此者

書座堪思防意城

用富弼事

簪朶雅宜

名意慈稱懷已自息心旌足釘薛暴誠何礙詎以微瑕棄美瓊

詠和闐玉饕餮觚

精琢和闐玉宛成饕餮觚法圖述姬室巧製異痕都

即痕

都斯坦也象戒貪多者名兼飲少夫今惟插花用似彼兩無

須

古觚以盛酒後世率用以簪花如餅供耳

題木刻山水畫屏

山縈迴復水平遠結社真宜翰墨羣細故雖云鄙記憶
幽期曾不涉功勲丹青自有松楓別皴染全無凹凸分
漫議斯人逞刀筆勝他吏者弄深文

右滌波疊嶂

西村東舍原非遠策杖還携童子隨疑是右軍分遺
者過橋問字特相宜

去聲

右柳初萌筇

收帆不礙渡溪遲
嫋嫋秋風落葉披
應憶浣花有神句
果然石出倒聽時

右楓溪放棹



御製詩四集卷三十三